

Ս. Ա. Եսայան, Կ. Կ. Ղաֆազարյան

ՇԱՄՇԱԴԻՆԻ ՄԻ ՔԱՆԻ ԿԻԿԼՈՊՅԱՆ ԱՄՐՈՑՆԵՐԻ ՄԱՍԻՆ

Շամշադինը հնագիտական առումով Հայաստանի ամենից քիչ ուսումնասիրված շրջաններից մեկն է։ Այստեղից 1958 թ. Հայաստանի պատմական թանգարան է հանձնվել նավուր գյուղում պատահականորեն գտնված բրոնզե երկու կացին, որով և սպառվում է մեր տեղեկությունները Շամշադինի վաղ շրջանի նյութական մշակույթի մասին¹։

Շամշադինը հարավից սահմանակից է Սևանի ավազանին, արևելքից և հյուսիս-արևելքից՝ Գետաբեկին ու Շամխորին, հյուսիսից և հյուսիս-արևմուտքից՝ Հազախի ու Նոյեմբերյանի շրջաններին։


Բարձրաբերձ, անմատչելի լեռները և խոր ձորերը տեղի բնակչության համար եղել են բնական ամրություններ, իսկ լեռնային արդատավայրերը, անտառները և պղնձի ու երկաթի հարուստ հանքավայրերը նպաստել են հին մարդու կյանքի զարգացմանը՝ այդ վայրերում։

Շրջանում ամենուրեք պահպանվել են հնագույն, այսպես կոչված, կիկլոպյան ամրոցների մնացորդներ և բազմաթիվ դամբարաններ, որոնց ուսումնասիրության արդյունքները, անկասկած, նշանակալի շահով կլրացնեն մեր պատկերացումները բրոնզեդարյան Հայաստանի նյութական մշակույթի մասին։

Հայաստանի կիկլոպյան ամրոցների դասակարգման առաջին փորձը, Արագածի նույնանման հուշարձանների ուսումնասիրության հիման վրա, կատարել է Թ. Թորամանյանը, որը նրանցից հնագույնները վերագրել է նորքարեդարյան ժամանակաշրջանին։ Այնուհետև, երեսունական թվականների սկզբին նյութական մշակույթի ակադեմիայի Հայաստանի ինստիտուտը և հնությունների կոմիտեն ձեռնարկել են գիտական մի քանի համատեղ արշավներ, որոնց նպատակն էր հաշվառել և ուսումնասիրել Արագածի և Սևանի ավազանի հնագույն ամրոցները²։ Հավաքված նյութը հնարավորություն տվեց բացահայտե-

1 Դրանից հետո Հ. Մարտիրոսյանի կողմից թանգարան են հանձնվել մի քանի բրոնզե և կավե սփորներ Թովուզ գյուղից, և պատահականորեն բերված հայտնաբերվել է անտիկ դամբարանների զանգ։ Միջնադարյան ժամանակաշրջանից հայտնի են Բերդ ավանի հայտնի միջնադարյան ամրոցը, մի շարք եկեղեցիներ և վանքեր (Խորանաշատ, Նոր Վարազա, Կապտավանք և այլն) և բազմաթիվ վիմագիր արձանագրություններ, որոնք հավաքել են Կ. Գ. Ղաֆազարյանը (1935 թ.) և Ս. Գ. Բարխուդարյանը (1964 թ.)։

2 Թ. Թորամանյան. Նախաքրիստոնեական հայ ճարտարապետությունը, Բանբեր էջմիածնի գիտական ինստիտուտի, 1920—1921, էջ 207—225, նույն հեղինակի ժյուրի հայկական ճարտարապետության պատմությանը, Նրևան, 1942, էջ 11—30; Մ. Գ. Գյուզալյան, Բ. Բ. Բարխուդարյան, Циклопические крепости Закавказья, СГАИМК 1932, № 1—2, стр. 61—64, Բ. Բ. Բարխուդարյան, Մ. Գ. Գյուզալյան, Крепости доурартского и урартского времени. Проблемы истории материальной культуры, 1932, № 5—6, стр. 51—59, И. И. Мещанинов, Циклопические сооружения Закавказья, ГАИИМК, XIII, 4—7, 1932 г.



լու կառուցվածքների ժամանակագրական շորս հիմնական խումբ, որոնցից առաջին երկուսը վերաբերում է մեզ հետաքրքրող՝ բրոնզեդարյան և ուրարտական ժամանակաշրջաններին: Այգ դասակարգումը հիմնականում լինելով ճիշտ, չի նշում յուրաքանչյուր խմբի հուշարձանների առաջացման և որոշակի սահմանները, և մինչև այժմ, կարելի է ասել, չունենք պարզորոշ դասակարգում ըստ ժամանակագրության և կառուցողական սկզբունքների: Այժմ հնագիտության նոր նվաճումների լույսի տակ կարելի է վերանայել և ճշգրտել այս կառուցվածքների առաջացման ժամանակագրական սահմանը: Այն փաստը, որ քարակերտ պատեր հայտնաբերվել են Շենգավթի բնակատեղում և այն, որ ներկայումս հայտնի են էնեոլիթյան նյութեր պարունակող կիկլոպյան ամրոցներ (Լճաշեն, Քաղսի, Գեղարոտ, Բելտաշեն) հնարավորություն են տալիս ենթադրելու, որ կիկլոպյան ամրոցների սկիզբը վերագրվում է ուշ էնեոլիթյան ժամանակաշրջանին, սակայն նրանց լայն տարածումը սկսվում է մ. թ. ա. 2-րդ հազարամյակի կեսից:

Հիշատակված նյութերի հայտնաբերումը դրոշմ հեղինակներից մեկին (Եսայանին) 1961—1964 թթ. կատարելու Շամշադինի շրջանի հուշարձանների հետախուզական ուսումնասիրություն: Բերդ, Նավուր, Չորաթան, Քոլագիր և Ղրղի գյուղերի հողամասերում հայտնաբերվեցին մեծ քանակությամբ դամբարաններ (քարակղերներ, գրունտային թաղումներ և կուրգաններ): Գտնվեցին նաև մի քանի դումեն և մենհիր: Միայն Ղրղի գյուղի շրջանում հաշվառված է 6 կիկլոպյան ամրոց, որոնցից երեքի ուսումնասիրությանն է նվիրված ներկա հոդվածը: Գյուղի մեջ և վերոհիշյալ երեք ամրոցների շրջակայքում պեղվել է ավելի քան 50 դամբարան:

Հնագիտական և չափագրական նյութերը³ հնարավորություն են տալիս մոտավոր նշել այս ամրոցների գոյացման ժամանակագրական սահմանները և կատարել որոշ դիտողություններ նրանց կառուցողական ու պաշտպանական սկզբունքների մասին:

ՄԱՍՄԱԼԱՐ ԱՄՐԱՅԸ գտնվում է Ղրղի գյուղից հյուսիս-արևմուտք, երեք կմ հեռավորության վրա, դեպի Բերդ տանող ճանապարհի ձախ կողմում: Նա գրավում է մոտ 2,5 հեկտար տարածություն և կառուցված է սարահարթի նկատմամբ մոտ 45 մետր բարձրություն ունեցող բլրի վրա, որի լանջերը երեք կողմից ունեն մեծ թեքություն և մասամբ պատված են անմատչելի ժայռերի զանգվածներով (գծ. 1): Միայն հյուսիս-արևմտյան կողմերում բլուրն ունի համեմատաբար փոքր թեքություն, որտեղ էլ եղել է ամրոցի ընդհանուր մուտքը: Բլուրը հորիզոնական ուղղությամբ ջլատված է երեք օղակաձև 20—40 մետր լայնություն ունեցող արհեստական տեղաբաժանումով, որոնցից յուրաքանչյուրը արտաքին կողմից եղբրված է կիկլոպյան պատերով: Արևելյան կողմում լրիվ քայքայված և առանձին քարերի ձևով ընդամենը 100 մետր տարածության վրա նշմարվում են բլուրը օղակող շրրորդ պատի հետքերը: Ամրոցապատերը պահպանվել են մինչև երկու մետր բարձրությամբ և կառուցված են անմշակ և մասամբ կոպիտ մշակված բազալտի և կրաքարի բեկորներով: Տեղաբաժանող շարունակվում են նաև բլրի հարավ-արևմտյան մասում՝ ժայռափոր հսկայական աստիճանների ձևով, որտեղ, բնականաբար, լավիլորդ են եղել տեղաբաժանող եղրագծող հենապատերը: Այս քարակոփ արհեստական տեղաբաժանների կառուցումը չի բխել, իհարկե, միայն պաշտպանական նկատառումներից,

³ Ամրոցների չափագրությունն ու տեղագրական հանույթը կատարել է Կ. Ղաֆադարյանը: Գծագրերի վրա նիշերը պայմանական են:


քանի որ յարափը բնական վիճակում արդեն մեծ խոշորնդոտ է եղել հակառակորդի համար, այլ հիմնականում բխել է բլրի մակերեսը մաքսիմալ օգտագործելու և շինարարության համար քար հայթայթելու նպատակներից:

Մասնագիտական գրականության մեջ Հայաստանի բազմաթիվ կիկլոսյան ամրոցներում մի քանի համակենտրոն պատերի գոյությունը բացատրող երկու կարծիք կա: Առաջինը այն դիտում է որպես պաշտպանական պարսպապատերի սխեմա (Թորամանյան). երկրորդը ավելի հավանական է համարում նրանց հենապատ լինելը, որոնց նպատակն է եղել ստեղծել օգտագործելի տերրասներ և դիմադրել հողի սահքին (Հաջյան, Գյոզալյան, Պիոտրովսկի): Ամենկին շփոթելով երկրորդ տեսակետը, որի բազմաթիվ ապացույցները կան Արագածի նման հուշարձաններում, ցանկանում ենք նշել, որ այս ամրոցում այդ պատերը ունենել են պաշտպանական դեր: Այդ մասին է վկայում երրորդ տերրասի պարսպապատի հյուսիս-արևելյան մասում գտնվող երկու մետր ելուստով և 12 մետր երկարությամբ կոնտրֆորսը:



Սրամիտ է կառուցված ամրոցի մուտքը: Բլրի հյուսիսային մասում տերրասների պատերը չեն միանում, այլ գնալով միմյանց համարյա զուգահեռ՝ միջանկյալ մասերում ստեղծում են բլրի գագաթը տանող գալարապտույտ մի ճանապարհ, որի յուրաքանչյուր ուղղագիծ հատվածը անցնում է վերևի տերրասի պարսպապատի առջևով և պաշտպանվում այդ կողմից: Երրորդ և չորրորդ տերրասների պատերն այս մասում կտրագիծ միանում են իրար՝ կազմելով պաշտպանական աշտարակ կամ բարձունք, որտեղից շատ հարմար պետք է լիներ թշնամուն հարվածել ճանապարհի ցանկացած հատվածում: Շրջանցմամբ այս աշտարակի գրավմանը կարող էր դիմադրել երրորդ տերրասի պարսպապատի հյուսիս-արևելյան կողմում կառուցված կոնտրֆորսը: Եթե նկատի ունենանք նաև այն, որ միջցեղային բախումների ժամանակ շրջադարձային, համեմատաբար նեղ մասերում ճանապարհը փակվում էր քարերով կամ գերաններով, ապա կարելի է ասել, որ հյուսիսային՝ առավել խոցելի մասում լրիվ ապահովված է ամրոցի պաշտպանությունը:

Մասմալար ամրոցի մակերեսը ծածկված է փարթամ թփերով ու խոտով ու չեն երևում ամրոցապատերից բացի այլ կառուցվածքների հետքեր: Չկան նաև նյութական մշակույթի մնացորդներ, բացառությամբ մի քանի ամրոցական և ջարդված նավակաձև աղորիքների, որոնք գտնվել են խոտհոնձին շխանգարելու համար հավաքված քարակույտերի մեջ: Այդ հանգամանքներում դժվարանում է ամրոցի թվագրման հարցը:

Բլրից մոտ 700 մետր արևելք, «Խուրջին հողեր» կոչված վայրում, գտնվում է դամբարանադաշտ՝ Լճաշենի տիպի մեծ կուրգաններով և խոշոր քարարկղներով: Այստեղ մեր պեղած 12 դամբարաններում գտնվել են Գոլովինոյի տիպի մի թուր, նետասլաքներ, զարդեր, ճարմանդներ և ուշ բրոնզի ժամանակաշրջանին բնորոշ խեցեղեն: Հետաքրքիր է այն փաստը, որ դամբարաններից մեկի լիցքում հայտնաբերվել է մի աղորիք, նման ամրոցում դրտնրվածներին: Հնարավոր է, որ դամբարանադաշտը պատկանել է ամրոցի բնակիչներին, և երկուսն էլ թվագրվում են նույն ժամանակով, սակայն այս փաստը վկայում է, որ ամրոցը գոյություն է ունեցել մ. թ. ա. 2-րդ հազարամյակի վերջին, բայց ոչինչ չի ասում ամրոցի կառուցման և անկման ժամանակի մասին: Այդ հարցերը, թեև ոչ լրիվ, կարելի է պարզել մյուս երկու ամրոցների վերլուծումից հետո:



ՀԱՄԱԴԻՆՆԵՐԻ
ՍԵՊՏԻԿԱՆՈՅ



ՀԱՄԱԴԻՆՆԵՐԻ

ՍԵՊՏԻԿ ԱՄՐՈՅԸ գտնվում է Ղրղի գյուղից հյուսիս-արևմուտք, մոտ 2 կմ հեռավորության վրա, Մասմալար ամրոցի հարավային կողմում: Երեք կողմից շրջապատված են խոր ձորերով և միայն հյուսիսային կողմն է համեմատաբար հարթ: Այդ կողմից էլ եղել է ամրոցի մուտքը (գծ. 2): Հյուսիսային հարթավայրի նկատմամբ բլուրը ունի մոտ 40 մետր բարձրություն, իսկ ձորերի կողմից՝ 150 մետր և ավելի: Ամրոցը գրավում է 2,5 հեկտար տարածություն:

Քարերի մշակումով, շինարարական և պաշտպանական սկզբունքներով այս ամրոցը նման է նախորդին, որը հիմք է տալիս ենթադրելու, որ երկուսն էլ պատկանում են նույն ժամանակաշրջանին: Այստեղ էլ բլուրը բոլոր կողմերից օղակված է ռելիեֆին խիստ համապատասխան կառուցված եռաշարք ամրոցապատերով: Հյուսիսային կողմում, նկատի առնելով այդ լանջի համեմատաբար դուրամատնելիությունը, երկրորդ և երրորդ տերրասների միջև կառուցված է մի այլ շորորոգ պարիսպ, որի անհրաժեշտությունը չի պայմանավորված ռելիեֆով: Պաշտպանական մի հարթակ դարձյալ երկրորդ և երրորդ տերրասների միջև կառուցված է բլրի հարավային մասում, որտեղ տերրասները ավելի լայն են և անհրաժեշտություն կա լրացուցիչ պաշտպանության: Այդ նկատառումներով էլ, հավանաբար, կառուցված է եղել նաև ամրոցի արեւելյան կողմում դեպի տերրասները ուղղահայաց նայող պատը, որից հատուկեմտ քարեր են պահպանվել: Սեպրիկ ամրոցի մուտքը պահպանվել է առաջին տերրասի հյուսիս-արևելյան մասում: Նա սկզբունքորեն նման է Մասմալար ամրոցի մուտքին, սակայն ավելի կատարյալ կառուցվածք ունի: Այս մասում ներքին պատը ուղիղ անկյան տակ 3,5 մետրի չափով թեքված է դեպի ներս, ստեղծելով մոտ 25 քառակուսի մետր միջանկյալ տարածություն երկու արտաքին և ներքին դռների միջև: Անցնելով առաջին դռնից և հայտնվելով այս մասում, թշնամին կգտնվեր եռակի շրջապատման մեջ, որը և անհնար կդարձներ երկրորդ դռան (պատենեջի) հաղթահարումը:

Երկրորդ և երրորդ տերրասների մուտքերը չեն պահպանվել, նրանք հավանաբար եղել են ամրոցի հյուսիս-արևելյան մասում և ունեցել են Մասմալարի մուտքերի նման կառուցվածք (գալարապտույտ ճանապարհի սկզբունքով): Մասմալարում և Սեպրիկում զուգահեռ պատերի միջև եղած անցումների այդպիսի սխեման հարմար լինելով հանդերձ, պաշտպանական տեսակետից բողարկել և մի փոքր հեռվից արդեն աննկատելի է դարձրել ամրոցների մուտքերը: Այդ թեկնածու է եղել նաև ճանապարհը բլրի ռելիեֆի նվազագույն թեքությամբ անցկացնելու նպատակահարմարությունից: Մուտքի մասում ամրոցապատը պահպանված է մոտ երկու մետր բարձրությամբ, մյուս մասերում ավելի քիչ՝ մեծ մասամբ 1—2 շարք: Բլրի վրա չի նկատված այլ կառուցվածքի որևէ հետք: Երրորդ տերրասի պատի ներսի կողմում, քարակույտների միջից, գտնվել են մի քանի ուղղանկյուն և նավակաձև աղորիքներ, իսկ բլրի ստորոտում, առաջին տերրասի պատի մոտ՝ մի այլ աղորիք 30—50 սմ չափի: Ի տարբերություն նախորդ ամրոցի՝ այստեղ կարելի է ենթադրաբար որոշել նրա անկման ժամանակը: Այդ հնարավորությունը մեզ տալիս են առաջին տերրասի պատի ներսի կողմում տեղացիների քանդած և հետագայում մեր զննած քարարկղային դամբարանի նյութերը, որոնցից երկուսը մեզ հանձնեց գյուղի բնակիչ Ա. Աղաբաբյանը: Առաջինը մանգաղաձև բրոնզե մի իր էր, արտաքին կողմից սրված և, հավանաբար, կարող էր լինել կաշեգործական դանակ, երկրորդը մեկ բռնակով սև փայլեցրած սափոր էր՝ բնորոշ մ. թ. ա. ա-



ՇԱՄՇԱԴԻՆ • ՂՐՂԻ
ՆՈՋԼՈՒ ԱՄՐՈՑ

ՄԱՍՏԱՔԻ 1:500. ՆՏԻՎԱԾՈՒՄ

Քեդրոյ 400

ռաջին հազարամյակի սկզբին՝ Ամրոցն այդ ժամանակ, ամենայն հավանականությամբ, արդեն լքված էր, քանի որ դժվար է ենթադրել, որ բնակիչները նրա ներսում կատարել են թաղումներ։ Այդպիսի բացառություն կարող էր լինել միայն առաջնորդի նկատմամբ, սակայն հայտնաբերված դամբարանը իր չափերով և պարունակությամբ հեռու է այդպիսին լինելուց։

Այսպիսով, Սևպրիկ ամրոցը գոյություն է ունեցել մ. թ. ա. 2-րդ հազարամյակի վերջին քառորդում և լքվել 1-ին հազարամյակի սկզբներին։ Սեպրիկ և Մասմալար ամրոցներն իրենց ներսում չունեն որևէ շինության հետքեր, և այդ փաստը հնարավորություն է տալիս ենթադրելու, որ նրանք եղել են ժամանակավոր պատսպարաններ, որտեղ միջցեղային ընդհարումների ժամանակ պաշտպանվել է շրջակայքի բնակչությունը։

Ղոզլու ամրոցը գտնվում է Ղրդի գյուղից արևելք, 15 կմ հեռավորության վրա, Աղնջի գետի աջ ափին, անասնապահական ֆերմայից ոչ հեռու։ Սա տեղադրված է մի փոքր բլրի վրա, որը հյուսիս-արևելյան կողմից սահմանակից է հարթավայրին և նրա նկատմամբ ունի 20—25 մետր բարձրություն (գծ. 3)։ Մյուս երեք կողմերից բլրի լանջերն իջնում են մինչև շրջակա խոր ձորերը։ Ի տարբերություն նախորդ ամրոցների, Ղոզլուն զբաղվում է միայն բլրի եռանկյունաձև փոքր և հարթ գագաթը 0,7 հեկտար մակերեսով և, բացառությամբ հյուսիս-արևմտյան կողմի, ունի բլրի գագաթի եզրագծով կառուցված միայն մեկ ամրոցապատ։ Հարթավայրային՝ առավել խոցելի կողմում կառուցված են պատերով ամրացված ևս երկու տերրաս։ Այս մասում հյուսիս-արևմտյան պարսպապատից մինչև բլրի հարավ-արևմտյան կողմի ժայռային ելուստում կառուցված է եղել ևս մի պատ, որից շատ քիչ բան է պահպանվել։ Քայքայվածության պատճառով ինչպես այստեղ, այնպես էլ նախորդ երկու ամրոցներում անհնար է որոշել պարսպապատերի լայնությունը։ Հյուսիս-արևմտյան երրորդ տերրասի պարսպի կենտրոնական մասում պահպանվել է շորս մետր լայնությամբ մուտքը, որը, կառուցված լինելով հարթության վրա, նման չէ նախկինում նկարագրվածներին, այլ մի բացվածք է ամրոցապատի մեջ՝ երկու կողմերում դրված սովորական շարքի քարերից անհամեմատ ավելի մեծ անկյունաքարեր։ Առաջին և երկրորդ տերրասներում մուտքերը չեն պահպանվել։ Բլրի մակերևույթին քարակույտերի միջից գտնվել են մի քանի ամբողջական և կտրտված աղորիքներ, շատ նման Մասմալարում գտնվածներին, ղրոների քարե կրկնակալներ, որոնք վկայում են բնակելի կառուցվածքների գոյության մասին, և արխայիկ ձևի բավական կոպիտ քարե մի կացին, բռնակի համար արված արտաքին միակողմանի ակոսով։ Կացնի այս ձևը հնարավորություն է տալիս իրր վերագրել էնեոլիթի և, գուցե, վաղ բրոնզի ժամանակաշրջանին, այսինքն՝ 2-րդ հազարամյակների սահմանագծին։ Այդ ժամանակով է թվագրվում նաև ամրոցի շրջակայքում գտնված էնեոլիթյան կավամանի բեկորը։ Սակայն այդ նյութը մեր կարծիքով հիմք չի տալիս ամրոցի կառուցումը վերագրելու էնեոլիթի կամ վաղ բրոնզի ժամանակաշրջանին, այլ վկայում է դեռևս այդ ժամանակներից բլրի բնակեցված լինելու մասին։

Ամենայն հավանականությամբ, ամրոցին ժամանակակից է և նրան է պատկանել բլրից ոչ հեռու գտնվող քարակղային դամբարանադաշտը, որտեղ մեր պեղումներից հայտնաբերված հնագիտական նյութը՝ դաշույնները, զարդերը և խեցեղենը վերաբերում են 2-րդ հազարամյակի վերջին։

Այստեղ ևս, ինչպես Սեպրիկում, ամրոցապատերից ներս հայտնաբերվել է ավելի ուշ շրջանի՝ մ. թ. ա. 6—5-րդ դարերին պատկանող դամբարան⁴, որը մեր կարծիքով վկայում է այն մասին, որ արդեն այդ ժամանակ կամ գուցե ավելի վաղ, ամրոցը լքված է եղել:

Այսպիսով, մեր նկարագրած երեք ամրոցներն էլ գոյություն են ունեցել 2-րդ հազարամյակի վերջին և մ. թ. ա. 8—6-րդ դարերում արդեն եղել են անբնակ: Ինչ վերաբերում է նրանց կառուցման ժամանակին, այդ հարցը առայժմ մնում է բաց: Նրանք կառուցվել են դժվարամատչելի վայրերում, տեղի ռելիեֆի սրմիտ և ռաջիոնալ օգտագործմամբ, կառուցողական և պաշտպանական որոշակի սկզբունքներով:

С. А. Есаян. К. К. Кафадарян

О НЕКОТОРЫХ ЦИКЛОПИЧЕСКИХ КРЕПОСТЯХ ШАМШАДИНА

Резюме

Настоящая статья посвящена описанию трех циклопических крепостей Шамшадинского района, расположенных близ села Кирги.

Крепость Масмалар (рис. 1) находится в 3 км юго-западнее села. Она расположена на круглом скалистом выступе, на высоте 45 м и окружена с трех сторон отвесными склонами. Крепость занимает территорию в 2,5 га, имеет 4 стены и хорошо укрепленный вход.

Вторая крепость — Сеприк (рис. 2) находится в 2 км южнее села и с трех сторон окружена глубокими ущельями. Ее площадь также равна 2,5 га, а высота—40 м. Крепость имеет 4 стены и хорошо укрепленный вход.

Крепость Гозлу (рис. 3) находится в 15 км северо-восточнее села Кирги, на правом берегу реки Ахнджи. Она расположена на холме треугольной формы и, повторяя его контуры, возвышается над окружающей местностью на 25—30 м. Защищена одной стеной, а с северо-западной стороны тремя стенами.

Обнаружение на территории крепостей Сеприк и Гозлу более поздних погребений и подъемного материала позволяют предположить, что крепости существовали в конце II тыс. до н. э. (время возникновения неизвестно) и были покинуты в VIII—VI вв. до н. э.

⁴ С. А. Есаян, Погребение VI—V вв. до н. э. в горах Шамшадина, «Советская археология», 1965, № 3.